

Wallensköld

I.

Chançon legiere a entendre
Feraï, car bien m'est mestiers
Ke chascuns le puist aprendre
Et c'on le chant volentiers;
Ne par autres messaigiers
N'iert ja ma dolors mostree
A la millor ki soit nee.

II.

Tant est sa valors doblee
C'orgeus et hardemens fiers
Seroit, se je ma pensee
Li descovroie premiers;
Mais besoins et desiriers
Et çou c'on ne puet attendre
Fait maint hardement entreprendre.

III.

Tant ai celé mon martire
Tos jors a tote la gent
Ke bien le devroie dire
A ma dame solement,
K'Amors ne li dit noient;
Ne por quant, s'ele m'oblíe,
Ne l'oublierai je mie.

IV.

Por quant, se je n'ai aïe
De li et retenement,
Bien fera et cortoisie
S'aucune pitié l'em prent.
Au descovrir mon talent
Se gart bien de l'escondire,
S'ele ne me velt ochirre.

IV.

Fols sui ki ne li ai dite
Ma dolor, ki est si grans.
Bien deüst estre petite
Par droit, tant sui fins amans;
Mais je sui si meschaans
Ke quanques drois m'i avance

Me retaut ma mescheance.

V.

Tous i morrai en soffrance,
Mais sa beautés m'est garans,
De ma dame, et la samblance
Ki tos mes maus fait plaisans,
Si ke je muir tous joians;
Ke tant desir sa merite
Ke ceste mors me delite.

VI.

Noblet, je sui fins amans,
Si aim la millor eslite
Dont onques cançons fust dite.

- letto 424 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/wallensk%C3%B6ld-2>